

光緒重修安徽通志

重修安徽通志卷二百四十四

人物志

孝友十一

鳳陽府

漢趙孝字長平沛國蘄人時歲饑人相食弟禮爲餓賊所得孝聞之卽自縛詣賊曰禮瘦不如孝肥賊並放之謂曰可且歸粟持米糲來孝求不能得復往報賊願就烹眾異之遂不害丞平中辟舉孝廉顯宗素聞其行詔拜諫議大夫歷遷長樂衛尉復徵弟禮爲御史中丞禮亦恭謙行己類於孝帝寵異之詔禮士曰一就衛尉府大官送供具令兄弟相對盡歡

後漢書本傳

隋卽方貴淮南人與從弟雙貴同居方貴出行遇雨於津所寄渡船人搥方貴臂折至家雙貴驚問遂向津毆船人致死縣官

案問以方貴爲首雙貴從坐兄弟二人爭爲首坐縣不能斷送

州州以狀聞高祖原之表其門閭

隋書本傳

唐董邵南壽州安豐人隱居行義孝慈及物有雞哺狗兒之異所居至今名曰隱賢鄉韓愈作嗟哉董生行以贈之又有送董

邵南序

韓昌黎集壽州志

李興安豐人父疾興刃股肉假託饋獻父已不能啖而死興號呼撫臆口鼻垂血捧土成墳墳左作小廬蒙以苫茨伏匿其中晝夜哭廬上產紫芝白芝廬中醴泉涌出壽州刺史承思請表

其閭柳宗元爲作孝門銘

唐書本傳

宋步游張張姓失其名少失母徒步尋訪因稱步游張訪至宿州見病嫗究問乃其母也相持大哭遂就養因家於宿

江南通志

按宿州志以爲漢人爲縣令遇一病嫗於苻離之東馬踟躕

不進訪問乃其母因家於宿其言與此絕異漢無宿州故從  
通志然亦未知通志之何所本也

元許從政下蔡人居喪廬墓詔表其門閭復其家

元史孝友傳敘

張鏗下蔡人至元中任太平路總管府治中因家當塗母歿廬墓有紅蓮變白之異郡爲立孝蓮坊大德二年旌表

元史本傳江南通志

王德新石思讓皆安豐人親喪廬墓詔表其門閭復其家

元史孝友

傳敘

孫克忠宿州人親喪廬墓詔表其門閭復其家

元史孝友傳敘

王珍宿州人累世同居詔表其門閭復其家

元史孝友傳敘

高中濠州人祖泉仕宋爲安撫使父文龍早卒中少事其祖卽以孝聞祖歿哀毀中以嫡孫當襲讓於叔父文豹至元閒有司

以事聞詔旌其門

元史長壽傳

江南

懷遠縣志

馬希先懷遠人舉鄉貢授陳畱教諭養親不就職竭誠奉事廬

祖母墓及父母墓凡九年

江南

通志

姜起宗懷遠人歷宋迄元五世同居

江南

通志

明張倫鳳陽人河南衛百戶洪武四年以親老乞解職歸養上

嘉之命爲濠州衛百戶

江南

通志

王阿孫懷遠人父病刲股以進立愈母病又割肝以進亦愈洪

武開旌

江南

通志

王綱定遠人母歿廬墓宣德開旌

明史孝

義傳敘

徐琉懷遠歲貢知長治縣以母老解官歸養母卒哀毀負土成

墳與弟友愛析產推腴取瘠

懷遠

縣志

許綱懷遠庠生授祥符知縣以母疾乞養不赴繪兄像與己同

坐人問之曰欲使子孫祀我并祀兄耳

懷遠縣志

李忠鳳陽人親歿廬墓三年不食葷飲酒每慟羣鵲悲鳴以助

其哀景泰時旌

一統志明史孝義傳敘

趙銘宿州人父畿官金華府推官母病於官署刲股和藥以進

得愈同邑王延齡年十二父病十年不起刲股以進亦得愈

南

通志

郭興宿州人父喪廬墓手植樹千株虎嘯於旁兔馴其側景泰

時旌

明史孝義傳敘江南通志

李寬宿州人母歿廬墓三年景泰時旌

明史孝義傳敘江南通志

許本忠懷遠人母愛少子本忠愛其弟益篤父母繼卒廬墓六

年有盜夜叩其廬爲蛇所逐號呼求救本忠出視蛇退盜乃改

過自新宏治閒旌子連孝如其父父卒廬墓哀毀遂卒

明史孝義傳敘

重修安徽通志

卷三百四十四

人物志

孝友

三

鳳陽府

墓記 江南通志

周緒鳳陽諸生母喪廬墓二鳩巢樹異草叢生成化閒旌

一統志

秦昇定遠人成化閒任福建泉州衛前千戶所正千戶性至孝  
祖以上三世俱沒王事而皆葬於外昇遵例替職北走潼關祭  
奠高祖安修其墳塋南浮江淮徧求祖父雄故阡不得號泣於  
道至環堡得之啟壙載柩沿江下抵福之北嶺祭其曾祖惟墳  
重葺之乃扶祖柩歸未至聞父訃哀號頓絕執禮惟謹既卒哭  
買地葬祖若父而廬其側會山寇蕭丙三等起始撤廬率官軍  
捕剿至永春長泰二縣界獲其黨王清仔蘇尾仔生擒丙三百  
母氏洪尙在所以事洪甚至洪享壽八十餘齡而昇亦老矣正

德三年旌門

福建通志  
新增

劉澄懷遠人親喪廬墓宏治閒旌

明史孝  
義傳敘

張全鳳陽衛人事母至孝母卒哀毀泣血叔祖伯叔祖母家貧

無嗣請同居生養死葬皆任之宏治閒旌

明史孝義傳敘  
江南通志

張欽鳳陽人宏治閒以孝旌

明史孝義傳敘

王澄鳳陽人

通志云臨淮人

三歲喪父事母至孝母喪廬墓芝產其旁

卒年八十九宏治閒旌

一統志明史孝義傳敘

王裕徽州人父病嘗藥甚謹及卒廬墓三年兩產靈芝宏治中

旌同邑戴四庠生王國晟皆以父歿廬墓聞

江南通志  
宿州志

張潼靈壁庠生正德中流賊之亂潼祖父被害號慟大罵求與

俱死賊不忍殺後奉母盡孝由選貢官單縣教諭

江南通志  
靈壁縣志

連栢鳳陽人事父能先意承志同邑沈柱史仁周繼文皆以孝

聞有司上之部使者得旌

江南通志  
鳳陽縣志

張賢懷遠人父母歿前後廬墓凡九年同邑陸欽母歿廬墓耿



約事繼母孝父歿廬墓弟早卒撫姪如子修橋梁賑歲歉人咸

義之

江南通志

韋儒懷遠人母病衣不解帶籲天求代及卒悲慟死而復甦竟

以嘔血卒嘉靖閒旌

江南通志

劉鳳壽州人削昂壽州諸生皆母歿廬墓

江南通志

馬體乾臨淮人父喪廬墓

江南通志

朱文盛鳳陽人母歿廬墓卒年八十九

鳳陽縣志

陳元綬鳳陽人年十七母病刲股不效哀毀成疾而卒同邑羅

子明沈律陳汝聯連思恭皆以親疾刲股聞又庠生劉鳳皋父

歿哀毀骨立母疾禱天願以身代妻謝氏復刲股以進得愈

江南通志

通志  
鳳陽縣志

金爲聲臨淮人刲股療父疾同邑秦大本王登周楠張光瀛李

興學戴瑾皆以割股療父聞又黃行素張檀胡仲舉梅文遵吳永曜皆以割股療母聞又李義方割股療祖母疾詹臺錦割股療繼母疾又張檀之子天印亦割股療檀疾

江南通志  
鳳陽縣志

陳輔壽州人世襲指揮父病割股以進母病亦如之同州千戶尹岐割股以愈母疾又庠生張宏化張奏皆以割股救親聞

州志

吳道成壽州人年十二父病割股以進母病亦如之

壽州志

毛鵬壽州衛百戶四世同居門無詬訐之聲鄉里奉以爲式卒年八十八

壽州志

胡緯壽州廩生親歿廬墓其子與孫失其名亦皆割股療親病

鳳臺縣志

徐瀛懷遠人父病割股以進得愈

懷遠縣志

顧琛壽州人母病盲琛竭誠禱神母得復明

江南通志

郭藩定遠人父壽卒於京藩徒步數千里扶輿歸葬結廬墓旁日夜哭奠有剽掠者過其廬戒曰此孝子也勿驚墓常出金色蛇人以爲異

江南通志

朱寶壽州人善事親居喪廬墓三年同州百戶張應彭庠生薛孔儒皆親喪廬墓又張沛張溪崔紹張吉曹夢徵石鯨吳之美皆以親歿廬墓聞

壽州志

袁體蒙懷遠人孝養孀母母病服勞憂念一夕髭髮盡白母歿未二旬體蒙同其妻皆以歿卒

懷遠縣志

許士俊懷遠人隨父渡淮父墮水土士俊急入水救之父子俱死踰三日抱父屍出萬歷閒旌

江南通志

方大福壽州人母病刲股以進妻羅氏亦如之後羅氏病子正

華亦割股進妻孔氏亦如之正華生岳病孔氏復割股進人謂

一門世孝

壽州志

王殿懷遠人父病十四年衣不解帶母病割股以進得愈友愛其兄盡以遺產讓之隆慶時餓捐八百金助賑後舉孝廉卒年八十六崇禎十三年旌

懷遠縣志

鄧讓字汝謙壽州人父景陽卒有異母兄疑其有私讓出己資畀之不自明母卒哀毀盡禮萬厯末歲饑竭力助賑全活甚多

卒祀鄉賢

江南舊志

羅子明鳳陽人父病刲股及卒廬墓

江南通志

潘儀定遠人母卒廬墓

江南通志

蔡斌徐榮俱定遠人皆以刲股救親聞

江南通志

顧大倫定遠庠生父老病刲股和藥妻黃氏亦割股和藥以療

姑病

定遠縣志

夏供佑字普生壽州人崇禎癸未進士母卒廬墓泣血三年

壽州志

張聯達懷遠人崇禎時流寇至縣達負兄逃爲賊所得賊釋達將殺其兄達泣求曰家有餘資願以贖兄死遂帶回家罄所蓄與之兄得免

懷遠縣志

馬仍靈璧人流賊至執其父將殺之仍奔救父得脫而仍被害

靈璧縣志

陳自修鳳陽庠生母卒柩在堂流賊至自修護柩悲哀竟爲所

害

江南通志

李壽年壽州庠生割股救母

鳳臺縣志

國朝周建古懷遠人父希賜卒於官建古數千里扶柩歸葬事繼

母尤孝葬後廬墓二十餘年未嘗暫離

江南通志

唐一介鳳臺人嫡母病篤忽得愈及一介歿後家人於牆內得  
雍刀瓦布并哀禱之詞始知其割股以療母也

鳳臺縣志

余可仁壽州人父歿廬墓明季母朱氏一家皆爲流寇所掠母  
言輒涕零可仁肩行李走四方得其母之姪朱產坤以歸爲之

婚娶昇以田廬以慰母心卒年九十八

壽州志

馬魁臨淮人母卒負土壘墳廬墓三年

江南通志

王繼善臨淮人割股愈繼母疾同邑楊一龍胡文漣趙權皆割

股愈父疾蔣億趙應祥皆割股愈母疾又庠生朱絃朱挺兄弟

並割股愈母疾

江南通志  
鳳陽縣志

張奇方鳳陽人順治閒以孝行

旌表

鳳陽縣志

重修安徽通志

卷三百四十四

人物志

孝友

七

鳳陽府

薛之明臨淮人父病明與妻劉氏力耕以養父年九十四夫婦互哺之夜臥榻下候起居時年亦各六十餘矣眾欲以孝行舉力辭

鳳陽縣志

張明棐宿州人順治初賊五十騎入其鄉家人俱登樓母劉年七旬不及避爲賊所劫明棐奔救賊執之支解而死十七年

旌表建坊

一統志

石毓秀宿州人家貧傭工養母母病劇割股作羹以進疾尋愈

順治六年

旌表建坊

宿州志

王永康宿州諸生母歿廬墓三年同州朱汝維父母疾衣不解帶及相繼卒廬墓三年庠生涂玉書母疾嘗糞以下死生父卒廬墓三年又諸生邢廷相郭存誠父母繼歿廬墓三年

江南通志

州志

曹培靈璧諸生父卒築臺墓側寢處其中朝夕哭泣未及歸而

卒人稱孝子臺

一統志

傅琦靈璧人兄弟四人皆諸生食指數百同居不析爨內外無

閒言

靈璧縣志

張眉靈璧人家貧甚父庠生士儀館於外眉年幼隨母至父館索米回至中途遇大雪母陳死眉哀號不忍去亦陳死聘妻解

氏女聞之不食而死

靈璧縣志

張啟仲悞遣人瞽目談命爲業母疾篤割股愈之

懷遠縣志

石榮份悞遣人終身孺慕父病衣不解帶及歿哀毀時年已七

十四矣釋服之期方奠一慟而歿

懷遠縣志

姚大中懷遠人父疾篤朝夕飲泣籲天請代夢神教以割股大

重修安徽通志卷三百四十四人物志

孝友

鳳陽府



中幼讀儒書疑遺體不敢毀傷夜復夢如前乃割臂作羹以進

不效父卒毀幾滅性三年不言笑

懷遠縣志

趙士龍宿州人父老臥病室中火起士龍突火入脫己衣蔽父

負以出父獲全士龍受傷重逾月死

宿州志

周國馨宿州歲貢事繼母孝父歿喪葬盡禮盡哀釋服後盡讓

田產於繼母所生弟人以爲難

宿州志

田緒宿州人母病侍奉不懈夜半忽求肉羹遂割股煎湯以進

得愈同州陳良玉傭耕以養父病噎割股進之得愈又鄒克明

亦割股愈母病

宿州志

陸恆宿州人少孤極貧祖父老病孝養能如其意撫弱弟雲辛

勤備至未幾恆卒遺孤方在襁褓雲復艱辛鞠育之人謂之兩

難

宿州志

梁德平宿州人少孤母病衣不解帶者六年家貧傭工以養母

上食必先屏其子女人尤稱之

宿州志

方岳壽州庠生童時母病割股和藥以進同州宋泳葉嘉訓張

學儒朱錦榮李榮秀皆以割股救親聞

壽州志

徐遇壽州人事母孝有弟析居後業中落仍與同居不分彼此

鄉里稱爲仁孝先生

江南通志

徐自鑑壽州人父早卒母爲姑所遺自鑑徒步往尋遇於南昌

迎歸以養

江南通志

程邦平壽州庠生母病割股以進得愈同州歲貢張體仁衛千

總裴克明皆以割股救親聞

壽州志

趙桂靈璧人親歿廬墓三年

靈璧縣志

余質靈璧人母病割股以進同邑趙大士母病亦割股以進皆

得愈

壽州志

龔咸壽州貢生母病刲股以進得愈又盡以田產讓於寡嫂以

養庶母人推其義

壽州志

陳姓失其名居壽州家貧備力以養父母親卒葬郭門外日哭於墓後乃不知所之

江南通志

湯璩懷遠人父臥病十餘年奉侍湯藥未嘗離側兄弟皆不善治生或勸之析居歎曰手足皆儘此身豈得活也家日以落處之裕如

懷遠縣志

戴龍宸壽州廩生父母卒廬墓三年建宗祠以奉祭祀友愛二弟推產與之同州楊復禮事母至孝母卒廬墓三年

壽州志  
楊復禮

復禮咸豐九年

旌表

壽州志

州鳳臺志

新增 又按壽州鳳臺志均作廬墓六年

張廷祝懷遠人父病割股以進同邑徐懷清亦以親疾割股聞

又庠生吳廷基母卒水漿不入口者數日竟以毀卒

懷遠縣志

劉冤鳳陽市民父母病兩割股進之及卒盧墓三年歸後每月

必往省墓

鳳陽縣志

趙鵬九鳳陽庠生幼孤祖父撫之祖病割股以進得愈同邑高

明配割股療母亦得愈

鳳陽縣志

馮纘聖定遠人雍正閒以孝行

旌表入祠

定遠縣志

謝官相靈璧人年十四父病醫言須用人參一枝恐不易得官

相問之誤以爲人身一指也遂斷一指入藥竟汗出而愈同邑

武岱年十五亦割股愈父病

靈璧縣志

張四宣定遠人乾隆六年以孝行

旌表建坊

定遠縣志

楊珩鳳臺諸生割股療母疾同邑武舉權駿亦割股療母疾

鳳臺縣志

童尙全鳳臺農家子母疾禱天割股以進得愈自此遂終身茹

素而日以甘旨奉父人多稱之

鳳臺縣志

徐宏道鳳臺人五世同居

鳳臺縣志

張壽芳鳳陽人性至孝乾隆十一年

旌一統

李之奇

縣志作子奇

鳳臺人親歿廬墓乾隆十三年

旌表建坊

一統志

李煜鳳臺人親歿廬墓

鳳臺縣志

榜初收懷遠乞者沈姓有所得必歸以供母母老而瞽終日負

荷冬迎暄夏就蔭操杖舞側爲山歌里操以怡之及卒葬於義地編席爲廬所乞必先奠而後食夜則哭聲遠聞三年後不知所之

懷遠縣志

楊慤字敬齋鳳臺廩生父病疽衣不解帶者三年侍母側承歡如嬰兒弟無子爲之置妾族子孤寒者撫而教之鄉鄰戚黨喪葬無資者助之

鳳臺縣志

孫士謙字懷六壽州諸生與弟蟠相友愛白首同居共承父志乾隆己亥以錢五千緡置義田建宗祠又設義學贈應試者路費卷費助喪葬施棺木義行卓然

舊志義行傳

同治八年

旌表孝子

壽州志新增

趙直字介夫靈璧人嘉慶辛未

欽賜國子監學正直少孤事母孝母患目疾晨夕以舌舐之三年得復

明母病篤禱天求代得愈平居助婚娶建家祠以義率族卒年

八十三子發齋庠生事直能孝直卒廬墓三年

靈璧縣呈冊

鈕士文懷遠人道光元年以孝行

旌表建坊

舊志

陳元鎮定遠人父母卒結廬塋側有羣鶴棲樹之異道光四年

旌表建坊

定遠縣志

沈運泰字士尤靈璧拔貢父卒廬墓三年撫姪如子嘗以揀發

委署崇明縣裁陋規除積弊補震澤不半年卒於官士民賻助

櫬始得歸初家居時倡修學宮後其孫緯亦倡修學宮及名宦

鄉賢諸祠人稱世德

靈璧縣呈冊

呂起山靈璧歲貢父母卒皆廬墓三年兄弟四人同居不析爨

倡修學宮後官震澤訓導亦倡修學宮其孫世祿承其志亦嘗

捐資修學人稱善人有後

靈璧縣  
呈冊

沈祖德字春池靈璧人嘉慶丁卯舉人幼孤事母孝母歿負土成墳廬墓三年又事伯如父伯卒亦廬墓三年年五十無子不肯置妾其妻乘其出爲買一姬果得子人以爲孝行之報

靈璧縣  
呈冊

刑

張寅定遠庠生嘗割股以愈母

定遠縣志

蔡鳳池定遠人家貧以小販養母母病篤割股以進及卒哀慟隕絕其兄仙池亦能孝嘗與人語弟割股事輒悲慟曰吾不能

也

定遠縣志

凌謫定遠人年七十猶於母前作穉子戲母病背癱以口吮血割股和糜以進得愈道光六年

旌表建坊

司冊定  
遠縣志



許克醇壽州諸生母病割股以進得愈

壽州志

凌和鎔定遠廩貢性至孝侍母疾不解帶者兩載及歿哀毀骨立旋聞父攷疾於盛壽任所星夜奔赴至則已卒慟不欲生奉榘歸不肯受賻懼傷父之廉也後司訓亳州毫饑委賑者再豫匪宿匪前後滋事守城者三皆晝夜辛勤民沾實惠市肆無驚以年老告歸就養於子泰交任卒於鎮遠府署年八十三道光七年

恩准祀鄉賢

司冊以上舊志

單治定遠人賦性真誠力行孝友道光十七年

旌

定遠縣志以下新修

許文忠字績侯鳳陽人父病割股療之愈

鳳陽縣志

蔡程萬方珣俱定遠人均割股療父

定遠縣志

張瑞彩字勛夫定遠人內行修潔刲股療親

定遠志

金瑞麟字樹勳鳳臺歲貢父病刲股和藥以療

鳳臺縣志

邱承烈宿州人父病刲股陷之愈

宿州志

柏海山壽州監生刲股愈親病

壽州志

周士信字載文定遠人州同銜親歿廬墓三年

定遠縣志

王念祖壽州文生廬母墓三年

壽州志

張靜波壽州文生父沒廬墓以母疾侍湯藥歸母歿復廬墓一

載餘哀毀卒又主簿張獻廷親歿廬墓

壽州志

陶維藩壽州文生親歿廬墓同治八年以孝子

旌表

壽州志

金墀字仲丹鳳臺廩生親歿廬墓三年

鳳臺縣志

劉金翹懷遠與夫備值養母孝敬出於至誠以廬墓卒

懷遠縣志

陳雲龍鳳陽武生母病侍湯藥不離側恆露禱達旦及歿廬墓

三年

鳳陽縣志

岳盛林懷遠竹工家貧孝親廬墓年餘以乏食歸忌日詣墓長

號終日不食

懷遠縣志

馬璜懷遠人傭作養母後因母瞽且跛侍奉不能離側遂負母

乞食十餘年葬母畢旋卒

懷遠縣志

張廷愷壽州人侍父疾二十九年父母相繼歿廬墓六年廷愷之孫煥然母有日疾日常舐之又刺臂血和藥以進母目復明終於諸生咸豐九年

旌表

壽州志

王鵬翥字鶴侶壽州人父病嘗糞侍疾三年不懈

壽州志

葉榜字杏園壽州監生同兄建龍侍母病十餘年嘉慶甲戌旱

盡出積穀千餘石散給饑民

壽州志

柏成林鳳臺人備力養親父臥病常負之上下躬滌污穢終其

身

鳳臺縣志

劉志本字培之鳳臺進士侍母疾嘗糞以驗差劇母歿三年未

嘗盥櫛

鳳臺縣志

王超俗壽州人母卒長號咽血

壽州志

沈純耀字光遠靈璧廩生父患疽侍疾嘗藥三月不懈兄弟同

居友愛無閒又增生單儒清幼孤事母以孝聞

靈璧縣志

方爾熾字曉林定遠拔貢內閣中書以養親歸父病衣不解帶

三年堂弟家中落招同居

定遠縣志

陳詔祿定遠監生事嗣母與本生父母以孝聞諸叔貧恆賑之

營葬祖父母獨任其事母弟多逋負代償不已爲置厚產期功

子姪均爲經營生計

定遠縣志

薛華字佩芳壽州人從九品弟卒析產諸姪取美好者或不平

之華慘然曰弟骨未寒猶忍爭財耶終身不校

壽州志

嚴純一字永欽壽州文生繼母庶母愛幼弟因以構難純一涕

泣自譴卒以感悟

壽州志

李紱字玉書鳳臺監生父客閩病歿紱年十五步行數千里負

遺骸歸所著詩曰陟岵集息影集

鳳臺縣志

徐金鑑靈璧文生父渡河冰陷號泣破冰負父出又入水救母

自溺死

靈璧縣志

進雲五鳳陽臨淮鄉人咸豐初避粵匪之難囑兄弟奉父母前

行自率家眾殿後戰死父母兄弟皆賴以免

鳳陽縣志

余仁侄壽州人咸豐七年扶叔涉水避髮賊被追及使叔先行

與賊抗拒而死

壽州志

劉步廷靈璧監生咸豐九年捻賊執其父請代不許奪刀刺賊

同時被害

靈璧縣志

張如錦靈璧人同治元年西捻東竄如錦護母遇害

靈璧縣志

薛鴻儒壽州人同治二年苗逆之難鴻儒尋母被害又張揆一

以尋父被害

壽州志

許嘉穀懷遠人城陷母自刎嘉穀斂畢觸石死

懷遠縣志

牛天華懷遠人負母逃難母死華抱尸哭賊至被害

懷遠縣志

謝象懷遠文生聞父遇害絕粒死又沈之盤救父被害劉貴林

侍父疾賊至被害

懷遠縣志

馮孝章定遠人城陷力護父柩被害

定遠縣志

王士良定遠監生父廩生昌圖避寇山中士良負米以養在北

劉村遇賊不屈死

定遠縣志

方聚魁字竹雲定遠監生母病賊至聚魁身受重傷護守不去

母歿以毀卒

定遠縣志

龍長泰壽州人髮逆擾南鄉攜家避難賊偏近棄一女一子而挾兩幼弟以奔獲免於難

壽州志

陳其殷壽州人負祖母避亂遇賊憐其孝得免祖母旋歿良毀

未逾月卒

壽州志

余仁洽壽州人父晉三遇粵匪仁洽救護之同時被害

壽州志

錢元熙壽州人父青選遇賊正陽元熙同子泰階救護俱被害

敕建專祠

壽州志

周銘盤壽州人父應倬遇賊被執銘盤請代賊並殺之

壽州志

方榮祥壽州人出外貿易聞苗逆之難奔救父母不得入城投

河死

壽州志

王守仁壽州人粵逆南竄同見安仁負母逃賊殺兄將及母守

仁叩頭求代賊殺之母乃免

壽州志

顧舍旭顧舍熙壽州人粵逆破顧圩同救母被殺

壽州志

袁錦春壽州人慟父槐爲賊所殺投水死

壽州志

周繼雲壽州人咸豐七年髮逆脅其兄繼德將殺之繼雲奔救

奪刃奮擊力竭均死

壽州志

俞敬修鳳臺人兄泉爲髮賊所困敬修往救得釋而已死之

鳳臺志

壽州志

陸維東宿州文生賊刃其父奔救受重創死父得免

宿州志

宋彥昇宿州人父晉卿爲賊被害彥昇持刀往救死之

宿州志

丁愛臣宿州文童咸豐六年負母避捻爲賊所迫以身衛母被



殺母獲免

宿州呈冊

劉金標懷遠人咸豐年以孝行

旌表

科

明于從鳳臺人咸豐年以孝行

旌表

科

重修安徽通志卷二百四十五

人物志

孝友 十二

潁州府

漢韓伯俞城父縣人嘗有過母笞之泣母曰他日笞汝未嘗泣  
今泣何也曰他日笞常痛今母之力不能使痛是以泣也郡人  
稱其孝立祠祀之祠在義門集西

劉向說苑  
江南通志

按說苑以伯俞爲梁人而通志以爲城父人蓋從亳州志也  
今亳州實有村有廟姑從之又按潁州在漢爲汝南郡汝南  
有薛包蔡順皆以至孝稱而潁州府及諸縣志無言之者今  
以史未確言爲汝南何地人姑舍之

唐朱仁軌字德容亳州永城人隱居養親嘗誨子弟曰終身讓

路不枉百步終身讓畔不失一段有赤烏白鵲棲所居樹按察使趙承恩表其異及卒郭山憚員半千魏知古共諡爲孝友先

生

唐書朱敬則傳

朱敬則字少連仁軌弟也以孝義世被旌顯一門六闕相望高宗聞其名召見異之除右補闕武后時開告密羅織之路敬則上疏諫后善之歷位至同鳳閣鸞臺平章事出爲廬州刺史代還無淮南一物所乘止一馬一子步從而歸代還以下舊志別載廬州府名宦今

并

睿宗朝追贈祕書監諡曰元本唐書

五代晉張仁愿譙人存敬子也有孝行父卒事其兄仁頴如事

父之禮曉法令仕終大理卿

五代史張存敬傳

漢麴溫潁州汝陰人居家孝友乾祐三年旌表門閭

江南通志

宋張可象潁州人七世同居咸平中詔加旌表仍蠲其課調

表承  
詢傳

王子

嘗作之據  
宋史改

上亳州人四世同居咸平中詔加旌表仍蠲其

課調

宋史妻  
承詢傳

元郭成亳州人年七十一母喪食粥廬墓朝夕哭臨人哀其老

而能孝

元史邵  
敬祖傳

劉通亳州譙人家貧業農母卜氏好聲樂每眩技者以簫鼓至

必令娛侍或自歌舞以悅其心母目失明通誓斷酒肉禱之三

十年不懈母年八十五忽復明

元史  
本傳

張旺舅霍邱人幼失父母陳氏居貧守志旺舅九歲賣錫以養

及長母病伏枕數月無貲命醫惟日夜痛哭禮天求代未幾遂

愈又自以生業微不能多給竟不娶以終母年縣令言於朝旌

之

元史  
本傳

張紹祖字子讓潁州人讀書力學以孝行聞授河南路儒學教授至正中奉父避兵遇賊執其父將殺之紹祖泣請身代且曰若等非父母所生乎何忍害人父也賊怒以戈擊之戈應手挫

鈍因感而相謂曰此真孝子不可害乃釋之

元史本傳

李清譙人孝行卓異旌表其門有扁在城東百餘里尚存

潁州府志

明汪泉蒙城人父病奉湯藥至廢寢食父歿廬墓三年日夜悲

哭有白鳩巢其廬天順開旌

一統志 明史孝義傳敘 江南通志

楊甯太和人天順開以孝行旌

明史孝義傳敘

徐汝楫霍邱人父歿廬墓成化六年旌

明史孝義傳敘 江南通志

成綱武平衛人母亡廬墓冬不絮夏不扇墓木生連理成化開

旌

明史孝義傳敘 江南通志

陸九一蒙城人三歲喪父母李守志卒九一廬墓蔬食三年同

邑廩生張顯思年十三時父歿廬墓盜入其廬曰無驚孝子相

率而去

江南通志

韓文昇蒙城人母劉以苦節撫昇病篤昇與妻柳同割股療之

江南通志

牛斗光蒙城人年十七父疾割股父歿廬墓事母尤盡力一味

之甘母未嘗不敢食母歿廬墓

江南通志

張依誠蒙城人父卒哀毀骨立事母極孝母病割股療之母好

施而家貧依誠夏則汲水冬則刈薪竭力以承母志及卒負土

成墳廬墓三年

江南通志

王翊字用甫潁上人宏治壬子舉人祖母徐壽九十而終父元

良哀毀過禮相繼而歿翊結廬墓側負土成墳宏治五年旌後

知奉新縣有兄弟爭產歷舉古友愛者諭之遂感悟釋訟

明史孝義

傳教 頴州府志

張价蒙城人母病目盲价以舌舐之而愈成化十年領鄉薦司

訓邨城有教澤母亡廬墓三年同邑庠生張忠卿亦以親歿廬

墓聞

江南通志  
蒙城縣志

尚清亳州人兄弟已析居清以善治生致富乃復招兄弟合爨

將前所立分券焚之

頴州府志

趙偉霍邱庠生母歿廬墓白鶴來巢同邑庠生高巖然巍然親

歿兄弟廬墓三載

江南通志  
霍邱縣志

丁冠頴州人孝事父母及卒哀毀遇時物必祭祭必泣然後以

明經知雞澤縣有德政民立碑頌之子溱渙亦以孝友稱

頴州府志

儲恩頴州諸生一日往田閒聞母暴卒卽匍匐歸抱母痛哭以

頭觸地而死

頴州府志

劉涓子涪州諸生善爲文兵備道曾簡雅重之居父喪鄰火延及涓子抱棺痛哭欲自焚以殉適曾至問涓子安在人曰抱棺不肯出曾顧指揮陳勳曰不急救火致死劉茂才者爾不得生陳乃蒙涓子襦冒火入抱以出會天暴雨火滅棺亦無恙

涪州府志

王矩亳州歲貢母卒廬墓樹生連理三枝服闋猶縞衣蔬食宏治閒旌後卒其墓生紫芝一莖同州董懋本吳裕郭鑑庠生段崙主簿修省己廩生王以翰皆以親歿廬墓聞

江南舊通志  
涪州府志

李福信亳州人母病潛剖左腋割肝一葉以療之立愈其創數日卽平復人傳爲異同州張才廣趙曷諸生王德新皆以親疾

割股聞

涪州府志  
亳州志

顧元亳州庠生父疾割股及卒廬墓三年

江南舊通志

懷成武平衛百戶母病割左臂療之得愈

亳州志



張芳亳州庠生母亡廬墓次年秋病篤妻子往省之不令入廬

而卒

江南通志

林鵬太和人母病危鵬攜子禱天願減父子之年以益母壽海暑母苦熱日夜秉扇對牆扇之使涼氣徹拂正德辛未劉賊之

亂鵬負母逃遇賊感其孝不忍害

江南通志 潁州府志

張一鳳霍邱人嘉靖壬午舉人事孀母孝有盜入室一鳳不顧

妻子獨負母而逃得免於難

江南通志

王敷政穎上人親歿廬墓嘉靖閒旌

明史孝義傳敘

杜憲穎上人父病焚香割股以進得愈同邑周之士父病衣不

解帶割股以進得愈

江南通志

魏安民穎上人母歿廬墓三年同邑遲應斗父卒於官扶輿歸

廬墓三年

江南通志 潁上縣志

杜煥穎上人母病刲右股進得愈父失明又刲左股進亦漸復  
例得選職以養親不赴服闋後授福建按察檢校琉球入貢委  
煥賓接使者以金爲贄煥正色曰遠人慕化吾奉命禮賓而受  
金可乎使者敬服仕終延平通判

江南通志

時尚祥穎州人祖父病目每晨視天舐之目復明又刲股以療

祖疾

江南通志

劉文試太和人因母病習醫時調湯藥母卒廬墓三年木生連

理

江南通志

黃經太和人傭工養母母食必誘其子出外恐其分母之食也  
及卒貧無以斂遂鬻子葬之

江南通志

陳倫太和人弟早卒遺孤甫六歲撫之成立分產無異己子族  
黨有喪未舉者助之貧不給者濟之嘗拾遺金守而還其人

江南通志

通志  
州府志

張守高太和人幼失怙母病刲股以進得愈

潁州府志

張瑪太和人事母極孝大雨屋傾母子俱覆人以爲死及掘發

有二木交架其上得全人以爲孝感所致

潁州府志

郭守仁太和人性孝友父卒哀毀母疾日夕不離額天求代家

貧胼胝作勞取衣食以給弟讀書年高無子人勸之置妾曰弟

之子吾之子也

潁州府志

甯中立字爾強潁州人萬曆癸未進士選庶常改禮部主事晉

郎中疏請養母闋十八年母終服闋補原官擢尚寶丞卒於官

平居讓產於兄好同人急鄉里稱之

江南通志

汪時譽霍邱人九齡失怙事嫡母孝三遇母病皆刲股得愈後

時譽病其子如演亦刲股愈之

江南通志

丁潭潁州貢生其貧刺骨而甘旨必供母病三月日夜執手涕

泣胸垢皆親滌洗

潁州府志

常有榮太和人流賊入境率子從教以車載繼母逃遇賊將刃

其母榮哀泣求免轉刃榮從教抱父求代賊感其孝釋之仍令

載母而去

江南通志

丁德亳州人母病篤晝夜焚香禱天求代母思食鮮菌隆冬不

可得泣禱於院一夜勃生遂羹以奉母母壽至九十餘

亳州志

周永祚亳州人母早亡侍父三十餘年同臥起負之出入父歿

廬於墓傍二載而卒

江南通志

劉之龍霍邱人流賊至繼母年八十四負之而逃遇賊於途之

龍以身蔽母受傷幾死賊釋之

潁州府志

劉廷臚潁州人父九光分藩梧州促廷臚歸舟次英德聞梧州

火恐其母驚怖亟易小艇返梧後父移節潯州母寢疾於舟日

夜侍湯藥不懈及母歿哀毀數日卒

潁州府志

盧象鼎潁州人親喪寇至人勸之避以柩在堂守死不去同時

孫應傑太和人母方卒寇至不忍去賊疑柩中有金欲啟之傑

以身徯賊斷其手開視歎息爲完其棺而去

江南通志潁州府志

張大賡字颺甫潁州人鶴鳴子也流賊破潁一門殉難三十餘

人大賡死而復蘇哀痛殯斂裹創走京師與兄大壯哭請於朝

父鶴鳴得賜祭葬叔鶴騰兄大同咸得旌表

潁州府志

韓獻策字起鄉潁州人崇禎甲戌進士流賊破潁一門殉難十

有一人獻策上疏陳父光祖殺賊被難及一家慘烈之狀特賜

軫恤尋授行人使唐藩程期嚴迫加以哀毀慘泣甫還而卒

江志

劉昭明潁州人性孝友于十餘人多舉於鄉同居不析產昭明卒次子士璽持家政客至兄弟皆集互相脩勸賦詩酬答白首無閒客無不心醉而去者

潁州府志

劉全印潁州人事母篤孝母微病卽夜不解帶必全愈而後已居喪哀毀三年不入內室

江南舊志

張其允潁州人性孝友從兄卒撫其二子二子又亡復撫養其孀孤兄卒值寇變伶仃孤苦必攜其子與偕旣免難救之讀書以已田分給之其後諸姪多有爲諸生領歲薦者與人言無不

感激流涕

潁州府志  
阜陽縣志

任翼宸潁州人父偉遇寇矢中腰創甚危翼宸每當敷藥必口

吮患處旬餘創愈

江南通志  
新增

卜育德潁州人少不慧其兄入庠而卒父痛念之育德乃發憤

自勵冀以釋父心果一年而工詩文入邑庠父卒廬墓三年繪

父像對之讀書後以歲薦官荊門州判

穎上縣志

國朝甯掄穎州諸生十齡失恃哀毀如成人父予慶官京師以病告歸閒關三千里寇盜充斥掄晝夜扶持不少離遇賊感其孝得釋歸里父卒喪葬如禮季弟年少教之成立弟死撫其遺孤

辛勤尤至

穎州府志  
阜陽縣志

鹿來師穎州諸生明季寇難母剽以救姑殉節痛心疾首毀不欲生營葬之日一夜鬚髮盡白歲時至墓門淚泣不勝教諸子以孝友家法整肅近世莫比

穎州府志  
阜陽縣志

曹元聲蒙城貢生父邈嘉遇流寇不屈被害元聲縋城奔救身

被七鎗奪父屍而回

穎州府志

沈允達穎上人康熙元年有盜入其室執父九德拷掠允達起

垣告急鄰莫之應奮然曰父如此何以生爲赴鬪而死

一統志

王正純霍邱庠生生六月而孤事節母汪盡孝明季兩遇寇難挺身泣救幸而得免順治二年郡舉孝廉以母老辭不赴

霍邱縣志

邱文尤太和人繼母患病三十年服侍湯藥不少懈居喪哀毀歲時泣奠親墓年九十猶如故幼嗜酒父戒之遂終身不飲

穎州志

府志

李慎穎州歲貢童時流寇陷穎祖母楊罵賊被害父孕生以身殉母韓氏赴水死慎沿河數百里哭求母屍哀感行路

穎州府志

李鴻勳穎州人父卒廬墓三年

阜陽縣志

甯世簪字筆公穎州人康熙乙丑進士官翰林編修癸酉典試黔中事竣便道省親其父曰吾老矣不忍兒遠離相對泣下抵京遂告歸居喪哀毀幾至滅性後服闋赴補督學中州

穎州府志



李允齡潁州人性孝本不飲因父嗜酒日侍卽以酒相娛樂父省墓路卒允齡馳往一慟幾絕既葬廬墓三年自是不復飲

縣志

譚籍太和人四世同居父病割股以進得愈同邑王廷瑄亦以

割股救親聞

江南通志

解子信蒙城人父病割股及卒廬墓三年同邑徐文明李供黃

麒生皆以親病割股聞

江南通志

盧所蓄蒙城人父病割股愈之後繼母疾又割股療之

蒙城縣志

李長桂亳州人康熙戊子武舉母朱氏早亡事繼母魏如所生繼母卒廬墓三年乾隆元年舉孝廉方正旋卒四年

旌表建坊

一秩

王我格霍邱人事父母以孝稱後父歿於寇格從戈戟中百死

一生覓得父骸歸葬家貧拾橡採蕨以供母後稍裕兄不能治  
生迎而養之撫其子若孫同居三世初與許氏有婚姻之約許  
家破於寇子爲人所掠買徧覓得之贖歸仍以女妻之其重信

義如此

霍邱縣志

李恂穎上歲貢鄰火延燒二百餘家恂父柩在堂前後俱焚恂  
環棺痛哭風轉火息父柩得免人以爲孝感

穎上縣志

張祚運穎上農家子衣食不給而奉母甘旨不缺冬月母病思  
魚祚運緣冰求之忽有鯉自冰躍出持以奉母病尋愈又常思  
食兔羹求之不得歸乃遇一兔在籬下人皆異之

穎上縣志

董起玉霍邱人家貧事親孝父歿不能斂典身治棺營葬一日  
偶出室中火起急奔歸呼母不應突火入救不知其母已爲人  
破籬救出矣室倒火壓竟以焚死

霍邱縣志

王昌岐，穎上人，善治生，知父愛其弟，盡將居房，併田地千餘畝，推讓之後，又獨力建家祠，置義田，合族欽其孝友。

穎上縣志

沈應庚，亳州衛千總，父病侍湯藥，衣不解帶者數月，焚香禱天，願以身代聞醫言，冀苦則無憂，嘗之喜而告醫，投藥得愈。

亳州志

梁守約，亳州人，母歿廬墓三年，黃水泛溢，平地深尺餘，猶依依

不忍去。

亳州志

董孝，亳州人家貧傭工養母，母歿不知何者，爲禮訪於鄰，有教之者，依而行之，旣葬，遂廬於側，日肩土培之，六年墳高至二丈。

許亳州志

陳會，一槓上人，年十八，父病肺癰將絕，會一搶首呼天投繯於

梁，請以身代家人救之，得甦，父忽嘔血數斗，病遂愈。

穎上縣志

朱履厚，霍邱人，父病噎廢食，履厚日夜悲泣，聞六安神籤，最靈。

往求之籤云親人替之可愈夜潛登塔臨十餘丈奮身擲下寺僧救之尙能言姓名道來意僧卽使人呼其弟至語之曰吾代父死汝善事之言畢而絕父病果愈

霍邱縣志

王遵感霍邱人父病篤割股得愈未幾復病又割以進創深幾絕聞者哀之同邑金玉相年十五父病篤禱於城隍神願減己算父得愈母疾割股救之亦愈又諸生白藻亦以割股救母聞

霍邱縣志

李九成霍邱庠生親歿廬墓三年同邑許瑤寶夢熊庠生吳沈

皆以親歿廬墓聞

霍邱縣志

程士俊霍邱人雍正閒舟泊洪澤湖夜有人屬聲曰程孝子船免死平旦眾船覆程獨無恙父患疽已不治禱天求代父夢神

語曰憐爾子誠孝瘡愈矣明日痲脫

霍邱縣志新增

王國偉太和增生家貧舌耕以養而甘旨必供兄國佐出繼而  
緩急有無又時割所入以資助之後漸裕一切義舉知無不爲  
乾隆三十七年

旌表建坊

太和縣志

解宗溲霍邱人邑大水房屋淹沒繼母王在室未出宗溲奔入  
救之屋傾俱死水退拆屋見母子相攜狀如生人皆哀之  
宋廷柱頴上人父客死廷柱奔赴哀毀欲絕扶輿歸露宿百餘  
日服闋後婚仍侍母寢母病拘攣飲食必躬進病篤嘗冀知不  
起哭不欲生及卒寢苦枕塊茹素三年嘉慶四年

旌表建坊

頴上縣志

張可式頴上人六歲時母卒痛不欲生孝事繼母如母後父病  
服侍湯藥衣不解帶及卒哀毀奉母合葬廬墓三年嘉慶二十

一年

旌表建坊

穎上縣呈册

周樂山穎上人父病跬步不離衣不解帶及卒哀毀骨立既葬

廬墓三年嘉慶二十四年

旌表建坊

穎上縣呈册

李騰蛟穎上武舉都司銜七歲時父患病嘗藥奉侍如成人及

卒哀毀喪葬如禮母患赤癩以舌舐之累月而愈後患痰疾服

侍起居不解帶者數載母卒事兄若父與弟友愛無間嘉慶二

十四年

旌表建坊

穎上縣志

王天保太和諸生七歲喪父日夜啼泣聞母悲愴卽強嬉戲或

誦書文以怡之母冬病熱思西瓜徒步百里得而進之卽愈母

卒廬墓三年道光五年

旌表建坊

太和縣志

吳如皋太和諸生弟鳳山廩生父病醫言須參如皋鬻產售以進之父歿奉母命惟謹母或不怡必兄弟偕跪俟色喜而後起

及卒廬墓三年

太和縣志

朱景雲霍邱人性孝事本生父母與所嗣父母如一及卒並廬墓三年道光六年

旌表建坊

舊志

李爲端潁上庠生嘗刲股以愈祖疾同邑張榮刲股愈母疾

潁上縣志

李舜年潁上人兄弟析居有良田三百畝悉推讓不取兄歿子幼隨母寄外家舜年挈之歸以己產五千金分給之

潁上縣志

余錫純穎上貢生母早卒第三人皆繼母出父將析產有田四百畝錫純盡讓之諸弟弟又蕩盡復以己田二百餘畝給之穎上

縣志

王者輔穎上人三歲喪父事母極孝既有室夜半數起視母安冬月必坐於足以溫之母年八十餘卒輔已年老猶廬墓側哀

泣不止

穎上縣志

孟自魁霍邱農人五世同居從無閒言

霍邱縣志以上舊志

張賢卜字善交太和人七歲時母薛在陝西死教匪之難棄葬

涇陽賢卜隨父回籍弱冠閒關赴陝負骨歸窆

大和縣志以下新修

馬希聖蒙城人父病同妻王氏刲股食之愈

蒙城縣志

李如柏字茂軒蒙城人繼母病篤割股以療

蒙城縣志

李昆阜陽人刲股愈父病

阜陽縣志



李成玉蒙城人母病篤刲股啖之愈

蒙城縣志

賈佩蘭渦陽人母疾刲股以進愈

渦陽縣志

陳廣泗潁上人父病篤截小指和藥以進立愈

潁上縣志

彭大本霍邱人兄病割股煎藥服之愈

霍邱縣志

張祝潁上人侍父病年餘夜走雪中七十里求藥以供父嗜父

歿哀毀骨立

潁上縣志

方遇春潁上人父母相繼歿廬墓三年

潁上縣志

劉冠甲阜陽文生侍父母疾五年不懈親歿廬墓六年

阜陽縣志

李復本阜陽人家貧母歿未葬火延其居水漬衣被覆置上誓

以身殉火落置上手輒拂之頃之屋燬置竟獲全復本兩手糜

爛亦無恙

阜陽縣志

趙卿雲朱暄俱阜陽人母歿均哀毀廬墓以終

阜陽縣志

王大用王二用阜陽人兄弟俱傭工養母日必歸省美食時衣

無缺

阜陽縣志

劉朋會太和農人母患難疾左右奉養三十餘年不懈

太和縣志

胡大中太和篾工傭力所得悉以供親有兄四人貧不能事父母喪葬悉獨任之并給諸姪困乏

太和縣志

陳繼釗太和人親歿弟求分爨田產器物任弟自擇後弟家落

仍取分券焚之同居如故

太和縣志

王天祿亳州雉河集諸生年十六侍父疾水漿不入口父歿哀

毀骨立母病學醫通其術母獲長壽兄弟三人以友愛稱

渦陽縣志

張振玉亳州文生父歿廬墓三年餘卒於墓側又何承寬廬母

墓三年

亳州志

何琛亳州人嗣母卒哀毀幾不起本生父歿嘔血逾年卒

亳州志

宋其章阜陽人佃田得米以養母妻晉之章怒扼幼子吭哭曰  
養兒防老我不奉母奚用子為妻感悟遂孝養其母阜陽縣志

耿九阜陽人奉母備毫北母思歸行二日病卒九負尸踏冰雪  
行乞抵家葬畢以毀卒阜陽縣志

錢中榜穎上監生父母同時臥病不離左右者七載析產後以

己地畝讓於兩兄中榜歿子峻廬墓三年穎上縣志

姚同山穎上歲貢以祖遺田畝盡讓兄弟教讀自給又文生饒

祖遺田五百自取百畝餘悉讓兄增生徐行修讓產與姪穎上縣志

志

陳子厚字五峰霍邱廩生與弟子美子實相友愛居母喪子厚

宿柩旁三年每食必祭哭鄰人侵水道置不校會大旱別鑿溝

蓄水有雙鯉躍出遂成甘浸人名曰孝感泉霍邱縣志

陳懷璞阜陽人母病刲股和藥母歿捨匪猝至守柩不去遇害

阜陽縣志

李聯棻阜陽文生捨匪至父老病不能起棻泣曰殺我勿殺我

父賊均舍之

阜陽縣志

馬蘭棻阜陽女生同治三年土匪殺其父成風蘭棻馳救被執

不屈死

阜陽縣志

王純忠阜陽人遇賊護母被害母受傷而逃純忠見形於家人

告母所在如言求而得之

阜陽縣志

張鳴和阜陽人賊獲其繼母又庠生陳增賊獲其母均以身代

死而免其親

阜陽縣志

劉希賢阜陽人年十五遇賊欲傷其祖母哀泣求代乃兩舍之

又宋金柱年十三父被戕罵賊死之

阜陽縣志

李桐林阜陽人負父被擒逆難弟棟林負母子廷用負木主遇

賊於途其父死焉桐林等憤鬪均遇害

阜陽縣志

耿雲漢阜陽人扶母避難賊殺其母雲漢死之

阜陽縣志

鄭效賢鄭一賢潁上人同母被擄給賊釋母去兄弟皆不屈死

潁上縣志

趙國蘭黃逢昌俱潁上文生賊獲其母求代死不允均以身殉

潁上縣志

王竹兒霍邱人父被賊執將加害竹兒泣以身代不得罵賊死

霍邱縣志

王炳燦霍邱監生救父被賊害又王守恭王守敬徐承先何選

文何長文王藩卿竇樹槐均救父遇害周載一周錫蔭胡某均

救母遇害

霍邱縣志

夏時雷亳州人與賊力鬪死而免其父又張廷貴遇賊不屈子懷珠憤鬪均死之

亳州志

姜濬川太和人咸豐年擒賊追逼其父母濬川拒戰死父母得免又劉振關二王興俱救母被殺李瑞雲救祖母被殺

太和縣志

樂秉道太和人咸豐五年擒逆紛竄秉道侍父病被執不屈與弟秉鈞姪雲路雲祥雲聚均死奉

旨旌卹專祠專坊

太和縣志

盧景禹太和人戰賊淝西救護伯父文風並陣亡

太和縣志

夏明奇太和人父化雲禦賊受傷明奇救護中槍死

太和縣志

張小降太和人年十歲父爲賊殺哭罵不屈被害

太和縣志

穆景鳳太和人寨破父死景鳳入賊中覓父尸遇害

太和縣志

王萬年太和人賊至護母同時遇難

太和縣志

王存興太和人遇賊救父均死之

太和縣志

孫繼往蒙城人父遇賊被殺人告之且促之去繼往泣曰不其

之仇也執械奮往傷數賊眾圍而殺之

蒙城縣志

張彭齡蒙城人賊圍城與妻卓氏減食奉母同餓死而母獨存

蒙城縣志

馮蘭生蒙城文生苗逆圍城糧絕日採蔬供父而自餓死

蒙城縣志

張冠士蒙城監生聞亂急葬母守墓不去賊至被害

蒙城縣志

重修安徽通志卷二百四十六

人物志

孝友 十三

滁州

宋苟與齡來安人志尚高潔事其親生養死葬力竭而禮盡母

歿廬墓側有芝十九莖生墓門郡縣以事聞旌其門

宋史本傳

趙察字叔晦來安人紹聖初有聲太學事親孝養孤姪如己子

以行義爲鄉里所推人有爭得察一言卽解去晚歲以特恩調

永福丞

江南通志

王鈞滁州人性孝友貧不能自給而奉親必竭其力父母卒哀

毀盡禮事無巨細必咨於兄而後行鄉里義之

江南通志

明黃正字景齊滁州人母華氏年八十餘歿正哀毀不能起及



葬負土築墳廬於墓側蔬食三年成化中旌

明史孝義傳敘  
江南通志

徐昇字仲高來安人資性敦厚讀書守禮族屬百餘口同居共

爨庭無閒言

江南通志

盧守一滁州人六世同居萬厯閒詔旌其門曰尙義

明史孝義傳敘

孫庸字又良滁州人父景和市馬廣西道死南甯官爲藁葬庸

以遺腹生及壯銳意訪父遺骸徒步之南甯徧歷山谷有二嫗

指示葬所因而掘之遂得枯骨刺血以驗乃負歸營葬廬墓三

年哀毀骨立

江南通志

袁悅字兌卿全椒廩生七歲喪母祖母魯孀居撫養魯卒悅哀

毀盡禮刻像奉事朝夕不離出入必告三十喪偶不復娶

滁州志

楊廷猷字君俞全椒庠生與弟廷翰友愛甚篤廷翰以萬厯乙

卯武舉授守禦千總征焦湖賊有功未受賞卒廷猷哀痛不已

亦卒遺命與弟合葬焉

全椒縣志

邵煒字維張全椒庠生父卒終身不飲酒奉事孀母能先意承旨兄鰥居迎而養之從弟貧困捐資爲置產舉人李鵬南幼時家貧習賈煒見之曰此子可教其母以無力辭煒供給教誨之

遂成立

江南通志  
滁州志

濮渠滁州人母卒侍父寢三年不入私室事繼母孝有異母弟五人友愛無閒人不知其爲兩母出也

江南通志

邵希伯字成我全椒庠生與兄希曾受父煒教詩禮皆有家學事兄恭敬至老不衰每食必以先兄事必稟命後行人稱弟弟

江南舊通志  
全椒縣志

余亮滁州人家貧性孝父老亮習藝以養得酒肴必跪進歌舞侑食冬以身溫衾席抱足而臥

滁州志

王方滁州人早失怙事孀母盡孝事必奉命而行及卒廬墓三

年

滁州志

吳國瑞全椒人父病篤願天剝肝以進得愈同邑廩生吳爾謀

亦割股愈母疾

江南通志全椒縣志

金光壁字文宿全椒諸生父九陞以湖南兵備致仕歸行至中途夜遇寇光壁負父突圍出不及於難家居助喪葬賑饑饉葺

學宮建宗祠義行甚多

江南通志滁州志

國朝吳國器字玉質全椒人父病泣禱於神割股和藥以進得愈

同邑庠生吳一龍事親純孝兄卒撫姪如子

江南通志

金光軫全椒人自粵西父任與弟光昊扶母輓歸徒跣上梅嶺風雨驟作力不能支呼天泣禱雨止風收旣得附舟石觸舟漏號呼扛輓得達旁舟原舟遂覆人以爲孝感兄光婁卒遺孤錢

甫數月撫之如子遂得成立

全椒縣志

金新鼎字仍之全椒廩生性孝友好義歲歉出粟賑濟母病衣

不解帶及卒號踊絕而復甦者數四未幾遂卒

江南通志  
滁州志

賀朝官字五章來安人以歲貢應得選稱疾不赴父老鰥居與

同牀臥起者二十年弟家中落更以己產分之

來安縣志

趙吉尹來安人母疾割股以進得愈

來安縣志

趙珍字寶臣來安歲貢母疾嘗糞以驗甘苦割左股以進不效

又割右股以進果痊父患雙瞽以治目藥供神座前拜禱旬日

迺煎以進遂漸明

來安縣志

魯之琳全椒庠生父母歿前後廬墓六年康熙四十九年

旌表建坊

江南通志

王相滁州衛人幼失怙事孀母賈氏盡孝年老畏寒相先溫枕

席十餘年不替母齒盡落含哺進之及卒哀毀比葬廬墓日夕  
哭奠御史蘇叢聞之往禮於其廬

潞州志

吳旦字卿雲全椒增監生考授州同知翰林侍讀國對長子少  
喪母事繼母甚孝從父官京師父苦寒且身溫衾以俟睡早起  
取父衣先衣之俟溫然後扶父起弟助字大力亦以增貢考授  
州同知且先卒助撫姪如子友愛異母弟有以析產言泣謝不  
許邑西北山低獨捐數千金建一閭嗣後科甲不絕

全椒縣志

旌祀孝義祠

全椒縣志

李龍光字封山全椒庠生乾隆初以孝行

旌表建坊

全椒縣志

郭姬祉字錫蕃全椒貢生事父母及繼母皆極孝性又好義立

義倉埋露齒以子肇瑣官

封翰林院庶吉士以孫元隆官

贈朝議大夫兵部郎中乾隆乙巳奉

旨祀孝義祠

全椒縣志

王朝佐全椒人貧甚爲人傭以供母適外出家遭回祿突火入負母踰垣力盡而顛遂同斃里人哀而謀斂見朝佐握拳負母堅不可動遂合斂焉

全椒縣志

韓九錫字席洲全椒人九歲喪母事繼母以孝聞兄病療刲臂肉療之親歿哀毀營葬盡禮歲首必肅拜墓前至老不替卒年八十二

全椒縣志

馮科魁字蘭洲全椒庠生家貧事繼母孝與異母弟及堂弟同居日用皆取給於魁六十年無異志遇諸姪如子葬舅氏殯柩

數具人皆義之

全椒縣志

朱高標字青橋全椒人嘉慶戊午舉人性純孝鄉里化之署直隸南宮縣有能聲卒於官季弟虎標辛酉舉人痛兄不祿號泣死仲弟仙柯歲貢旬資走數千里以兄弟之喪歸撫孤姪成立人謂一門孝友

全椒縣志

金國澍全椒附生道光三年以孝行

旌表建坊

司册以  
上舊志

張熙字庶咸全椒貢生父疾刲股和藥以療

全椒縣志  
以下新修

余家齊來安武生母疾篤刲股以療

來安縣志

劉彭年滁州監生刲股療母病咸豐九年殉難

滁州志

張之道滁州人少孤伯母撫以成立伯母子誤殺人之道引爲

己罪戍黑龍江

滁州志

徐暉滁州人咸豐九年避難母與相失哭尋十餘日不食死

滁志

張沅滁州廩生張盤之子髮賊執盤沅乞代并遇害

滁志

程安仁滁州人奉母避難俱遇害

滁志

金麟全椒人國子監典籍奉母避亂遇賊鬪死母獲免事聞

賜卹廕雲騎尉

全椒縣志

邱賓賜從九銜全椒人道光年以孝行

旌表

全椒縣志

孫奏書全椒庠生賊至母投水死遂自縊又鍾家振母死於賊

亦自縊

全椒縣志

馮權滁州人賊執其兄權力救被害兄得脫

滁志

和州



宋劉瑜歷陽人七歲喪父事母至孝年五十二又喪母三年不進鹽酪號泣不絕勤身力以營葬事服除二十餘年布衣蔬食言輒流涕常居墓側未嘗暫違元嘉初卒

南史本傳  
宋書本傳

明黃有常台山人元末兵興奉母遠避屢經艱險竭力扶護卒脫於難洪武初舉孝行授平陽主簿

江南通志

王鎬字子京和州人永樂甲午舉人歷官戶部員外以廉能著稱父喪哀毀逾禮負土築墳手植松柏廬於墓側有芝二本生

於墓久稱孝感

江南通志

于纓和州人正統間父歿不作佛事廬墓側三年又三十年母歿哀毀廬墓如父喪有司欲舉旌典力辭而止

江南通志

薛良和州人正統戊午舉人初授解州學正以父喪歸服除乞就祿養母改高郵歷知獲嘉縣又以母喪歸後任固始九載民

借請甚眾因加通判仍知縣事天順閒以孝行旌

明史孝義傳  
敘和州志

唐慶字以璋含山人少喪父家貧事節母孝母疾顛天求代又

奉養嫂甚謹撫兄弟遺孤二十餘年如所生

江南  
通志

張宏道字志甫含山人嘉靖己酉舉人母喪廬墓因母存日畏

雷每聞雷聲中夜必起伏冢旁呼曰兒在此當事薦其至行特

授國子監學錄

江南  
通志

趙爲光和州庠生親歿廬墓三年

江南  
通志

閔應榜和州人母病篤從左脇剖肝片許和羹食母頓愈同邑

詹雨潤年十一父病剖股以進得愈又王宏中母疾同妻魯氏

剖股進亦得愈

江南  
通志

蔣燧含山人父卒廬墓三年萬曆閒旌其門曰孝子里

含山  
縣志

張璧含山人五世同居

含山  
縣志

汪奇敏含山人割股療母後奇敏病其子迅亦割股進得愈同  
邑蔣崇仁父母病割股以進者三皆得愈又蔣株劉大智皆以

割股救親聞

江南通志  
和州志

王畿含山人先世官楚遂家楚明崇禎時隨父宗孔任含山訓  
導會盜亂道阻因復家含山撫孤姪如子父卒茹素終身

含山  
縣志

寓  
舊志流  
新移

毛羽魁含山人繼母病兩次割股療之同邑張克文母病同妻

胡氏割股療之

和州  
志

國朝曹超和州庠生順治十六年海寇犯江甯掠及州境超奉親  
出避猝遇寇兵欲戕其父母號泣請代寇憫而釋之家貧力具  
甘旨以養居喪負土作墳家有父植紫薇一株久枯超每對之  
號慟忽發花人稱孝感康熙四十二年

旌表建坊

一統志

薛文和州人與弟化禮俱傭力養母一出傭一留侍以爲常母歿殯畢俱以毀卒康熙四十二年知州何偉表其閭

先正事略

增

戴晏和州人及弟杲事親篤孝父喪哀毀絕而復蘇旣葬並廬墓側三年康熙四十四年

旌表建坊

江南通志

徐繼穉含山庠生父母繼歿哀毀盡禮結廬墓側前後六年一夜聞母在廬外呼之穉驚起出視廬垣忽倒得免於阨又時有白燕飛鳴之異康熙五十三年

旌表建坊

江南通志

趙珮和州人年十一母病篤額禱祈代伏地未起恍聞神語許

重修安徽通志

卷三十七 人物志

孝友

之母既平復珮亦無恙孝敬奉侍歷五十年二親繼歿哀毀骨  
立墓在深山素多虎患珮廬於旁馴伏無犯人多異之雍正六  
年

旌表建坊

江西通志

張弧和州人自幼隨兩兄居父喪卽哀毀成禮孝事孀母食必  
躬進母疾虔禱乞以身代夜夢神允其請母旋愈而弧果病墮  
卒泣囑二兄惟曰善事老母他無所言

江南通志  
和州志

郭珍含山廩生父母繼卒號泣不欲生三載不入內室不茹葷  
酒每出郭門經墓所必泣拜終其身

和州志

唐紳含山人七歲喪父孤苦零丁常省己食以供母殮母病湯  
藥先嘗及卒哀痛欲絕比葬廬墓三年同邑蔣嘉孫親病疽以  
舌沈潰處及卒廬墓二年又唐延皋汪洪慶賈之璧皆以親歿

廬墓聞

和州志  
含山縣志

張之滔含山庠生幼喪怙恃祖母李撫育之李年八十齒落不能食令妻黃氏以乳哺之既卒哀毀營葬母素畏雷聞雷鳴必

繞墓哀號

含山縣志

張寶字斐忱含山廩生生周歲父卽遠出年二十餘決意尋父徒步跋涉至北京又至廬山往返十餘年後至湖廣石門縣花草都得相遇奉以歸

含山縣志

洪良瑜含山人以冶鐵爲業親歿廬墓朝出治生晚居廬獨宿雨雪不違有少婦扣廬借宿瑜拒之不肯去乃以火送至其家仍還廬中

含山縣志

袁美玉含山人父病刲股療之母患癱左右侍湯藥不入私室者十餘年同邑吳貞瑞年十三父卒哀號思慕如成人母病目

左右奉事不出戶者三十年恭事二兄白首無間

含山縣志

嚴廷玉含山人幼失怙事母三十餘年未嘗少失母意及卒號

哭不絕聲勺飲不入口以毀卒

含山縣志

呂聲玉含山庠生父病刲股療之得愈其孫請生世昌亦刲股

療繼祖母同邑汪之浚王世第皆以割股救親聞

含山縣志以上舊志

張嶺高曾俱含山人道光年以孝行

旌表

科鈔下新修以

宮九峯含山人乾隆時與妻湯氏俱孝謹母病侍湯藥十三年

無懈及歿廬墓三年又徐允支母病嘗糞母歿廬墓三年

含山縣志

李文泰和州人嘉慶年間刲股療母又張咸剛母病亦以刲股

而愈

和州志

章庚字西垣和州舉人侍母病四年不懈居喪哀慟三載未嘗

見齒里有逆子感化改行道光癸未水荒庚貧不能舉火路見

錢券二百五十緡錄還其人

和州志

張德科和州人親歿廬墓三年泣血而卒道光二十一年

旌表

和州志

慶之源字道汧含山廩生生有至性言動循禮歲祲賑貧父母相繼歿哀號絕粒而死奉

旨建坊祀孝義祠以子錫綸官

贈奉直大夫

含山縣志 嚴樹森撰墓表

徐允培含山文生父病瘍吮之而愈

含山縣志

范進方和州人事親以孝聞咸豐七年葬其父母賊至守墓不

去被害

和州志

趙德忠含山人母歿泣血父病嘗糞卒復廬墓同治元年喪賊



竄至德忠哭墓絕粒死

含山縣志

孟康年和州文生捨賊竄境侍母疾不去被脅赴水死

和州志

干榮江陸如琳王考成俱和州人賊至侍母病不去被害

和州志

楊在奎和州人賊刺其母在奎以身蔽母與家屬五人均死之

母得免

和州志

陸森和州僂庠生髮賊再竄和州森負母奔數十里始脫於難

母以悻死森哀慟卒著有播琴軒詩稿致遠山房雜記

和州志

蕭章含山人父被賊執章哀懇得釋遂罵賊而死又金爲發張

新謨官學玉附生張維坤文童胡蔭蟾均以護母被害

含山縣志

廣德州

唐潘晃廣德人事母至孝嘗以役事至京一夕夢祠山神告曰

汝父病篤晃驚覺日夜奔以歸復夢神曰汝父病愈歸問其故

果如夢中言後父卒廬墓芝草屢生元宗詔旌其門授廣德令

一統志

宋王安兒建平桐汭鄉人鄉舊有廟父病篤禱於廟割股和粥

以進父愈鄉人名廟爲割股廟

江南通志

李貴建平人居原通鄉事親至孝處宗族鄉黨調貧卹孤遠近

無閒鄉人名其居旁之橋曰孝義

一統志

李彭年廣德人紹興閒進士嘗割股以療親病後二親歿於兵

思慕不已蔬食終身高宗表其門曰旌孝

萬姓統譜

陳士儀廣德人親卒廬墓六年歲荒捐穀三千石賑饑南渡時

軍需匱乏助餉十萬帝嘉其義

廣德州志

范日進建平人宣洸時家眾三百口敦睦無閒言鑿雙井其汲

子孫感其義無析產者

一統志

明姚觀壽廣德人父病割股療之洪武間以孝行旌

明史孝義傳敘江

南通志

潘頌建平人父尙直永樂閒歿於王事頌哀毀廬墓三年景泰

時歲饑煮粥以賑多所全活

廣德州志

湯文炎廣德人少失恃繼母生弟妹九人文炎事之盡孝析產先諸弟而後己以父蔭官采石雖食味必先獻父母然後敢食

人稱純孝

廣德州志

王應鯉字時化建平人嘉靖壬子舉人繼母歿哭泣喪明二年後漸復同邑胡湛明父母有疾衣不解帶二人皆以講學著名

廣德州志

孫允昌廣德人事孀母劉孝養備至母病侍疾嘗穢衣不解帶者累月同州庠生許致身割股救親訓弟成名終身不履曲徑

明志

陳常建平庠生父卒廬墓母歿亦如之同邑庠生宗文獻母病不解帶者三月及卒廬墓虎繞其廬不爲害又潘事心李茂俱庠生父母卒廬墓六年不入寢室

江南通志  
廣德州志

王棟臣建平人年十四割股以愈父疾兄宦辰州卒徒跣抵楚

昇骸歸撫姪成立爲之婚娶

廣德州志

宗邦南建平人年十四母病聞其父會割股療祖疾遂引刀割之和藥以進後翔南病篤妻沈氏亦割股療之同邑史贊化父

病割肝療之愈

江南通志

姚景蓋建平人父卒廬墓三年猶不忍歸遂課子於其中又三

年事後母亦以孝聞

江南通志

王國義建平人遺腹生語及父容輒流涕母歿廬墓兄早逝無

子歲時祭祀必盡哀

廣德州志

王顧八建平人母病衣不解帶日夕禱天願以身代割股四寸

餘和粥以進又嘗吮父疽侍藥累月不懈

江南舊志

宗光國建平諸生父爲仇飛構頓顙流血泣代父杖臺使者宥之歲歉賑饑施棺有貸金者將鬻妻以償卽焚其券更賜給之

江南舊志

田士聖建平人幼失怙事母至孝母卒號慟欲絕斬茅爲廬獨

居守墓三年如一日

廣德州志

葛允仁廣德人十餘歲母病刲股愈之母卒事繼母委曲承順

父歿廬墓同州張守信幼失怙母病割股救之及卒廬墓三年

廣德州志

國朝包虹廣德庠生父病嘗糞禱神求代及卒廬墓三年

廣德州志

雲載德廣德武舉弟庠生潤礎客湖州死非命載德聞之號慟

泣訴兩浙當事爲猾吏所沮痛冤不伸赴京控部事得白羣凶

服辜

廣德州志

宗維漢建平歲貢生父患背疽維漢吮舐得愈後父歿奉母史氏至孝母歿廬墓悲號暈絕經日始蘇嘗先後出母所遺金施粥賑貧掩骼埋胔築長圩潰隄十里完固雍正十一年

旌  
一  
梳  
志

潘宗鈿建平人年十三父佐龍以事逮訊臬司未行病劇甚宗鈿請代父行桂奉就道數月得釋星夜馳歸及門見父猶未痊弟又病亡遂以憂勞成疾卒聞者傷之

廣德州志

步濬文廣德人父禹功以事遣戍甘肅挈繼妻李偕往文年十七請隨行既至戍所逾年還後一年負擔往省三十六日而至

父遣之歸越五年又往父又促之歸後復往既還而父病歿潛文聞訃哀慟卽赴戍所舁父骨并迎繼母及幼弟歸時弟年十四生於戍所者也潛文不讀書家又貧甚乃於十餘年中往反數千里外凡五次亦可以教孝矣

廣德州志

王家發建平人早失怙事孀母孝母疾籲天求代及卒喪葬如禮廬墓三年道光二年

旌表建坊

建平縣志以上舊志

裴洪玉建平人道光年以孝行

旌表

科鈔以

王相品建平人躬耕養親父母歿俱廬墓三年

建平縣志

夏尙隆建平人割股和藥療母親澣茵和母歿廬墓三年寇至

守墓不去城陷投水死

建平縣志

王承雲廣德人咸豐十年賊撲州城父子三人同被脅承雲泣告曰父老弟幼難供驅使獨我可賊然之但脅承雲去過溪投

水死時年十四

廣德州志

呂型建平廩生事親以孝聞寇至型侍母病不去遇害又呂偉以救母遇害文生王鼎甲王增甲俱以救父遇害

建平縣志

### 六安州

宋何子平廬江潯人事母至孝文帝時爲海虞令得祿唯供母不及妻孥人或疑之子平曰祿以養親不爲己也母喪去官哀毀踰禮每哭頓絕孝武末東土饑荒繼以師旅八年不得葬晝夜哀號如在袒括日食唯粥不進鹽味所居不蔽風雨兄子欲爲葺治子平不肯曰我情事未伸天地一罪人耳屋何宜覆蔡

興宗爲會稽太守甚加矜賞爲營冢壙

南史本傳



梁何炯廬江潯人父樽大中大夫炯年十九解褐揚州主簿累遷治書侍御史以父病陳解侍疾踰旬衣不解帶頭不櫛沐信宿之閒形貌頓改及父卒號痛不絕聲遂以毀卒

南史何尚之傳

明黃用賢字以能六安人幼孤事母孝及卒廬墓有泉涌虎馴之異兩遇火災而廬不毀成化時旌

一統志明史孝義傳敘

張時厚六安諸生母喪廬墓遇雷雨繞墓呼曰兒在斯有烏兔

馴擾之異宏治間旌

明史孝義傳敘江南通志

黃岳六安人母病刲股以進立愈同邑李世芳亦以刲股救親

江南通志

單植字良稼六安人父傳會試卒京邸訃聞哭踊頓絕及葬廬

墓三年後中宏治乙卯舉人

江南通志六安州志

周傑六安貢生父喪哀毀踰禮廬墓三年

江南通志六安州志

關依禮六安人父卒麻衣草帶廬墓三年夜半繞墳哭土人時

問廬畔有鼓樂聲以爲孝感

六安州志

盧昭六安人性至孝母嚴毅嘗痛撻之歡然承受前母兄早卒

撫其子如子人皆義之

六安州志

李九疇六安人父早卒祖老且貧事之盡孝及卒喪葬如禮嘉

靖開詔旌其門爲順孫妻郭氏亦以孝稱

明史孝義傳敘 江南通志 六安州志

武紹元六安庠生父疾鍼灸必以身先居喪哀毀四載不入牀

室事間獲旌

江南通志

段宏仁英山人貢生父卒哀毀及葬廬墓毒虺遠避羣鳥不驚正

德元年旌

明史孝義傳敘 江南通志

張獅英山人嘉靖時官東光知縣父卒廬墓三年朝夕哭奠有

枯樹復生之異事聞敕建孝行坊

江南通志 六安州志

吳繼宗六安人祖母病疽刲股進得愈

江南通志六安州志

何金六安人遺腹生事母孝母疾篤金爲嘗糞及卒廬墓三年

萬歷閒旌

明史孝義傳敘江南通志

馬應乾英山庠生幼失怙母疾二十餘年未嘗離臥側刲股二

次不令人知及卒廬墓三年同邑歲貢胡昭祖父卒廬墓三年

後歷官漳州府同知

江南通志英山縣志

段孟填英山人力田養母母卒廬墓三年同邑傳得年事繼母

如所生鄉里稱之

江南通志

黃道南英山廩生明季負母避寇自蘄州至黃州兩遇賊皆感

其孝得釋

六安州志

王敬承六安貢生孝事繼母負以避亂遇虎泣以身當虎虎搖

尾去

英山縣志

張餘慶霍山人與弟諸生紹慶同居友愛弟病疫延醫祝神皇  
皇若失及弟卒驚怛伏几就視則亦絕矣時人哀之

六安州志

項倫霍山諸生親歿廬墓三載中年喪妻不復娶鄉人稱爲孝

子義夫

江南通志

國朝傅繼訓英山歲貢八歲父卒同兄奉母避寇朝陽若母病兄  
弟守護不離及卒喪葬如禮兄被賊執涕泣請代不許則請同  
死賊義而兩釋之

六安州志

邱從先字甯野六安人父民達明季守城屬賊死賊退從先於  
積屍中刺臂血漉之驗得骸骨歸葬奉母避亂流離困苦不缺  
甘旨撫弟姪俱成立

一統志

胡自南英山歲貢隨父避兵兄弟五人皆死於難後父卒廬墓

不歸流寇焚山環墓號泣火忽滅

六安州志

馬晉錫字于菴六安人父之光明季舉人嘗爲友人贖婦救路  
人於瀕死晉錫中康熙癸卯解元授崑山教諭母早卒以不得  
逮事飲泣終身不苟葷酒父卒於官扶柩歸里事繼母盡孝撫  
異母弟如同胞將卒語諸子曰善事祖母大江南北無不知馬

孝子

一統志  
六安州志

張奮志六安人萬里尋父骸骨歸同邑傅形銓父客粵久銓隻  
身尋歸事母極孝

六安州志

楊茲字芸圃六安人康熙庚午舉人以母老不赴會試授經霍  
山母忽無疾而逝茲奔赴不及訣遂以哀毀卒

六安州志

蔣叔禎六安人康熙甲午舉人會試歸至壽春聞父喪星夜馳

歸以哀毀卒

六安州志

程之光六安歲貢父病癰朝夕不離側爲吮其患處繼母癩奉

侍不懈雍正六年

旌祀忠孝祠

六安州志

黃大本六安廩生父爲竹出嗣仲父事所嗣母如生母大本與弟大仁皆以孝聞母卒哀毀終喪猶不入寢室父病嘗糞及卒廬墓三年兄弟友愛論學或至夜分大本先卒大仁撫其子如己子乾隆三十八年大本以孝行

旌祀忠孝祠大仁歲貢晚年詮著六經尤邃於易

一統志

張級六安庠生父年八十時級亦六十餘父疾衣不解帶四十餘日其子請代級曰吾正恐欲長爲此不可得耳及卒喪葬祭祀皆如古禮

六安州志

陳國琛六安人父有疾兄弟遠館琛不離左右侍晝夜者六月及卒哀毀因母慘戚移榻母房不入私室者九年

六安州志

重修安徽通志

卷二百四十八

人物志

孝友

六

六安州

張國六安諸生每夜必潛俟親熟睡而後去天未明卽至寢門外夏扇冬爐事必躬親及卒廬墓葬地離家百里三年歸後思則獨往比晚還路無旅店嘗露處待旦因以成疾

六安州志

楊文卓六安人父病刲股以進及卒喪葬如禮事孀母撫弟妹

孝友無間言

六安州志

程鼎英山人康熙辛酉武舉少刲股以愈父疾與兄同居友愛族中孤弱者撫之嫁娶無資者助之嘗拾遺金還其人

六安州志

汪肇基六安廩生與弟鳴岐維藩以孝友稱親歿率二弟斬衰

廬墓又捐資建宗祠修家乘

六安州志

傅有宗英山廩生侍親疾衣不解帶父母相繼卒泣盡成血及葬廬墓三年羣燕來巢同邑拔貢程光洛父疾籲天求代及卒借弟浚等廬墓三年又歲貢鄧炯侍母病不離側者四年及卒

廬墓三年

六安州志

沈詩和英山貢生母年九十餘躬負出入及卒哀毀不茹葷廬墓三年同邑庠生沈應大母病痺痿應大晝則負以出入夜則

侍寢凡十餘載及卒泣血三年

六安州志

傅作彩英山人母疾刲股以進得愈

六安州志

杜有律英山諸生父病刲股兩次延醫霍山去家百四十里負

藥囊與醫同歸遇虎撲醫有律祝之虎捨而去父卒同兄有言

廬墓三年母卒亦如之

六安州志

祝熊六安人兄弟七人析居後獨熊侍母側兄有居山中者父

往視夜忽水發漂沒廬舍熊聞赴救父與兄俱在樹上水深不

能下熊立淺水中三晝夜始得負父同兄以歸

六安州志

黃元魯字青麟六安庠生母病刲股以進得愈復病醫疑未決



元魯嘗冀知爲熱疾投藥卽效母歿哀毀嘔血數升及葬露宿

冢側三晝夜

六安州志

段肇濂英山庠生母病三載朝夕不離刲股以進遂愈同邑沈榮親病刲股二次及歿哀毀骨立撫姪如子又庠生江漢文刲股愈父疾庠生鄧焜刲股愈父疾後焜疾其子大綸亦刲股以

救焉

六安州志

胡天經英山增生年十五時刲股愈母疾析居後分已產以贖姪同邑拔貢鄧昌錯母病刲股食之立愈又夏念達沈承緒沈

承章皆以親疾刲股聞

六安州志  
英山縣志

吳嵩霍山人出嗣伯父爲後其後母疾刲股和藥立愈父母卒每祭必盡哀雍正丁未舉家罹水阨嵩獨遇救年五十重娶得子後公舉孝行

旌表建坊

六安州志

劉化麟霍山人母疾刲股以進母卒事繼母如所生雖勞不怨嘗拾遺金訪其人還之

六安州志

劉乃馥霍山諸生父病革夜半焚香刲股以進遂愈弟歿後家落引姪同居飲食教誨如己子

六安州志

程尙德霍山人父鰥居尙德侍寢不入私室曾兩次刲股愈父疾同邑庠生李驊父病衣不解帶者九十餘日焚香祝天刲股以進得愈又李世芳亦刲股愈父疾

江南通志六安州志

李從龍霍山人穉年割股救母嘗拾遺金守而還其人同邑朱德溥年十二謝叔因年十一李植僅十齡皆刲股以療母疾又

陳嗣禹者刲股愈繼母疾

六安州志

戴正懋霍山人父卒哀毀及葬廬墓三年不茹葷酒

六安州志

楊仁六安廩生母患癱瘓困臥牀褥仁晝夜奉侍不離側者十

二年及卒哀毀骨立號泣如孺子聞者莫不墮淚

六安州志

關箬字箬亭六安人乾隆庚子舉人官寶應教諭母疾侍側三

載坐起扶持親嘗湯藥及卒哀毀痛絕復蘇與兄弟析產推肥

取瘠在寶應時有三貧生陷飛訟爲申雪復其衿

六安州志

黃廷珍六安諸生父大馥以武進士官忠州都司坐事戍伊犁

廷珍隻身萬里三往省視後奉父南歸與弟廷寶承歡養志十

有八年父病衣不解帶及卒水漿不入口者數日旣葬廬墓家

居好義婚喪不能舉者助之

六安州志

李秀芳字珍三霍山人乾隆五十六年以孝行

旌表建坊嘉慶元年舉孝廉方正

恩賜六品章服

六安州志

沈曰俊字魁士霍山諸生父病衣不解帶及卒哀毀骨立時祖  
父傷慟臥病俊忍哀寬慰祖病得痊又體其意爲叔立嗣鄰有  
因病鬻妻者厚贈之得全嘉慶十年以順孫

旌表建坊 六安州志

鄭奕埤奕埏兄弟英山人埤年十歲埏九歲入邑庠父歿偕廬

墓三年 六安州志

鄧襄字廷贊霍山諸生幼孤事母至孝宗族鄉鄰多食其德避

戶讀書足跡不輕入城市 霍山縣志 志文苑 新移 舊

沈世學汪顯仕俱霍山人嘉慶年間以孝行

旌表建坊 霍山縣志

孫世效霍山人父病刲股和藥以進至卒喪葬以禮兄弟已析

居兄嫂早逝遂命姪復同巖視之如子 霍山縣志

朱槐里霍山人六世同居無閒言

霍山縣志  
以上舊志

聶溥六安人道光年以孝行

旌表

科鈔  
以下新修 以

吳沈霍山人道光年以孝行

旌表

科鈔

周啟奎六安人道光己酉蛟水暴漲奔省母墓溺死

六安州志

黃榮浦英山監生母年百歲病時浦亦八十刲股以療又捐田

課五十餘石行諸善事

英山縣  
舊志

沈盛名英山歲貢父母病俱刲股和藥以愈又監生傅守金刲

股療母

英山縣  
舊志

沈德深英山監生母病刲股父歿廬墓三年又文生徐道朗王

企傑俱父歿廬墓

英山縣  
舊志

王元利六安人刲股愈父疾廬墓三年

六安州志

鮑爲鯉字海門六安增生父母歿廬墓各三年

六安州志

周慶禮六安人父病篤刲股以愈之

六安州志

陳宏禮六安人父疾刲股投劑中愈及歿毀卒

六安州志

江繼福六安人親病刲股及歿廬墓三年治家有法同居百餘

口無有私蓄者

六安州志

彭應軫字金翰英山人文生候選州同母病疽吮之割股調羹以

療

英山縣志

余永陞英山人傭工養母母病刲股和肉以療母歿廬墓三年

英山縣志

張玉珍六安人祖母病刲股以愈

六安州志

王樂財英山人父病刲股廬父母墓各三年又監生胡雨霖母

歿廬墓

英山縣志

王保垣英山文生母歿廬墓三年

英山縣志

黃世著字鑑齋六安文生母疾篤嘗糞及卒哀毀骨立

六安州志

鄭保定字靜菴英山增生待詔銜父病嘗糞衣不解帶三月

英山縣志

縣志

馮祥六安人侍父病三年不離側及歿自負土以葬

六安州志

張錦六安人母病侍湯藥不離側三十餘年母歿兄弟析居錦

推讓受瘠產焉

六安州志

桂一枝六安人母歿守棺三年

六安州志

張正榮六安人侍父病六年不懈及歿以毀卒

六安州志

余孝子六安人失其名有瘡疾少孤爲鄰牧牛人給之魚肉必遺母既長傭工以養母歿負土爲墳晚臥其側隨所得必祭其

母道光年

旌表

六安州志  
科鈔

聶維鏞字恭孚六安監生父歿廬墓三年叔母貧無依迎養終

其身

六安州志

盛大樞六安人母病親侍湯藥臥榻旁幾四十年及父母終以

毀卒

六安州志

沈賢甲霍山監生母患疽吮之曾祖沈世學嘗修保黎橋賢甲

續修之年終致廩粟於貧族邑火災潛給被火者錢米

霍山縣志

張昌祿霍山監生奉母甘旨自與妻子食糠粃母卒哀毀廬墓

霍山縣志

沈世昌字孔才霍山監生少孤孝母四十年如一日母卒守柩

四年廬墓七年

霍山縣志



黃周烈霍山監生父患癱一日三吮之遂瘳

霍山縣志

王宏泰霍山人母患腹癱數年服勞侍疾不倦母卒茹素終身

霍山縣志

徐啟文六安徐啟山之弟也繼母疾刲肉和藥以愈

六安州志

關世恩字廉臣六安歲貢性至孝母得風疾醫以鱠魚治之愈世恩自此不食鱠弟生而盲世恩握其手作字教以音義竟能

作詩

六安州志

黃志元霍山人父疾禱神求代竟愈父歿苦塊終喪以母老極意奉事不解衣臥者十載

霍山縣志

黃繼勸霍山人家貧奉父衣必裘帛食必甘旨而自奉極刻苦父卒營墓宅傍朔望節忌日必具酒肴哭拜於墓

霍山縣志

黃孔嘉霍山人父病勞嗽默禱得減越數年復病不起嘉哭絕

復蘇先書二兄事母我去事父八字於紙夜投塘死

霍山縣志

高宗保六安人年十歲母歿退父所賃田價以市棺田主曰年荒可葉葬畱田以自活泣曰兒可無田不忍母無棺也具斂以

葬六安

州志

鄧松齡字心齋六安增生祖授以長孫田五十石松齡分給諸

弟居父母喪絕水漿數日

六安州志

黃鎔六安文生推產讓弟獨償父遺風債族叔無依生養喪葬

如禮

六安州志

方捷字退軒霍山人從九品讓祖產於兄弟別置薄田自給

霍山縣志

黃孔瑛霍山人少喪母事兩繼母及兩兄俱恭順兄以析產構隙委曲彌縫之臨終戒子孫曰平心應物必於心所難平者平

之霍山縣志

吳廷美六安人侍母病六年不懈及歿哀毀骨立賊至守柩不去被害又查同春父歿臥柩側三年賊至不去被害六安州志  
黃人儁字仲才六安廩生家貧孝養刲股療母疾咸豐七年捻賊至一家遇害惟長子得脫

贈卹如例六安州志

金光俊六安人咸豐七年賊至祖父母櫬被焚俊號泣赴水死

六安州志

張光輔六安增生母歿櫬未出賊至焚其室輔身殉之六安州志

石韞琬六安人幼喪母傭工養父及父歿既合葬賊至守墓不

去竟死墓側六安州志

金守誥六安監生遇賊出金求釋其父兄既免與賊鬪死六安州志

陳秉鐸字小石六安增生兵荒出貸資聞其父爲賊箠死馳歸

大慟斂葬畢不食而卒

六安州志

潘孔全六安人賊至願代父死賊并殺之

六安州志

袁瞳六安人負母避賊賊近母投水瞳救之俱死

六安州志

張冠士六安人咸豐八年捻匪竄至冠士謂母老請代死賊捨

其母而殺冠士

六安州志

汪祖安霍山人咸豐八年粵匪至負母逃遇賊度不能避命妻

扶母走己力鬪死之

霍山縣志

沈道存霍山人父被賊執奔往代死均遇害

霍山縣志

高其科六安人咸豐七年賊至侍叔疾不去被害

六安州志

黃繼勳英山文生成豐十一年髮賊竄至因兄瞽不忍離同時

遇害

英山縣志

泗州

漢徐憲臨淮人居喪至孝白鳩巢於戶側太守鄭宏舉爲孝廉

朝廷稱爲白鳩郎

搜神記 會稽典錄 江南通志

宋王彭旰貽人元嘉初父喪家貧不能葬兄弟二人晝則傭力夜則悲號鄉里哀之爲助力作輓輓須水而天旱墓去淮五里荷擔遠汲困而不周彭號天自訴輓輓前忽生泉水鄉鄰嗟異葬竟泉便自竭元嘉九年太守劉伯龍表其事改其里曰通靈

里蠲租布三世

南史本傳

宋朱壽昌字康叔天長人以父巽蔭得官歷知岳閬二州及廣德軍弭盜辨姦皆有惠政壽昌母劉氏巽妾也巽守京兆劉氏方娠而出壽昌生數歲始歸母子不相聞五十年行四方求之不得熙甯初與家人訣棄官入秦曰不見母吾不反矣遂得之

於同州母時年七十餘迎以歸事聞詔還就官以養母故求通

判河中府數歲母卒居喪幾喪明既葬有白鳥集墓上

宋史本傳

明陳遼五河人幼喪父爲邑吏例得選以不忍違母乞冠帶終

身母病刲股及卒廬墓三年

江南通志

蔡興泗州衛人父歿廬墓三年景泰閒旌

明史孝義傳敘

湯三聘泗州人父病篤三聘飲食俱廢刲股進復以口吮便處

父少安而三聘病歎曰父無恙予敢更求生哉竟不起

江南通志

楊芸泗州人母病刲股得愈妻侯氏亦以孝聞同州張桂王之

給年十六皆以母病刲股聞又楊見復母病篤刲左股進母少

安弟見和復割右膊進遂愈

江南通志

蔣學顏盱眙廩生年十四母病刲股進得愈

江南通志

周夢兆泗州人父病割左膊以進得愈又能善事繼母無閒言

江南  
通志

劉時暢虹縣人母病篤暢取糞嘗之味苦曰我母生矣果得愈

江南通志  
泗州志

尤可進虹縣人父歿哀毀骨立廬墓三年終身不服紈綺

泗州志

蔡景盛盱眙人正統閒以孝行旌同邑蔣東昇亦以孝行旌

盱眙縣志

李九標盱眙庠生親歿廬墓三年妻彭氏亦能孝事舅姑

盱眙縣志

沈一元盱眙廩生母病劇醫藥弗效與弟一中俱禱天割股以

進同邑宥瀆錢三漢皆割股療父劉崇孝王羸金陸德渾錢伸

李朝楹馮宗祥皆以割股療母聞

江南通志  
盱眙縣志

王大像天長人父歿廬墓三年時歸省母不入私室令其妻與

母同臥起母病痢嘗之以卜吉凶

江南通志

王枝天長人父卒家貧鬻於徽商念母涕泣徽商哀而歸之時

母已亡結廬墓側哀泣三年

江南通志

蔣昉盱眙人其祖父至昉已四世同居正德九年淮水暴漲兄

蔣時臥病不及避昉抱兄緣杙泛水浪激兄溺就水負兄至岸

力盡並死越三日負兄屍泝流而上人咸異之事聞得旌

盱眙縣志

唐堯智天長人年十二母病刲股作羹進之得愈後以貢授教

職升上津知縣時按臣屬鄖道察鄖陽七員奸宄株連百餘人

堯智曰吾何忍以百命博一官焚其藁忤上官意調王府長史

不就歸孫士俊以割股調母疾聞

江南通志

馬應台天長人年十二母病刲肝作羹其兄應星亦刲股進母

同邑石梯年十四割股以愈父病許純忠亦年十四割股以療

母病又王應舉王和皆割股以療母病

江南通志



繆悅道天長人田家子母病割肉熟之以啖母或教之曰誤矣須煮羹再割作羹以進得愈同邑許三選割股療父病不使人知有詢其事者曰此自不容己之情可以是聞於人耶

江南通志

張嘉彥天長人割肝愈母病

江南通志

蔣廬盱眙人萬厯閒以孝行旌

明史孝義傳敘

郭從仁五河人母疾奉侍湯藥廢寢食者數年每晨夕告天願以身代母病復起壽踰九十公舉孝行撫按皆以扁旌

五河縣志

王贊化泗州人父卒於官奔走數千里負骸骨歸及葬廬墓三年終身縞素撫異母弟教之成立

泗州志

國朝董官治天長諸生三割股愈父母病

江南通志

李鸞瑞天長人母病嘗羹割股母隨愈後十年母又病鸞瑞再

割右股療之

江南通志

潘其綦天長人母病與弟其茂同日割股江南通志

孫中裕盱眙人割股療母病江南通志

俞士瑄天長歲貢父母及生母歿皆勺水不入口者數日哭不絕聲居喪三年不御酒肉冬不爐夏不扇後因修墓往反病晷而卒康熙四十三年

旌表建坊江南通志

劉芳名泗州人兩割股以愈母疾江南通志

戚怡泗州人年十歲割股療母疾江南通志

劉鼎盛天長人父病疽割股療之得愈同邑顧佃張士鉅又繆

自守年十二皆以割股療父聞江南通志

李行恭天長人母病禱於城隍廟割股和藥母得愈同邑張宏

業年十三母病至廟禱神割股取香灰掩痛處肉隨失欲復割

重修安徽通志卷三百四十六 人物志 孝友

三 泗州

忽見肉所在歸煮以進母卽霍然愈後宏業病其子庠生瑚亦

割股療而愈之

江南通志  
天長縣志

繆士毅天長人順治間父爲怨家所誣伏法妻妾及長子皆成  
奉天士毅妾黃所出方三歲以育於姨得免旣長遂出關尋母  
三載不返妻改適子女皆死士毅至潘則嫡母與兄已亡惟生  
母黃又改撥烏喇士毅往尋見之資費盡解母歸約再來奉母  
返歸娶生子遂復往母又遷艾渾比至而母已卒士毅呼號墓

側送廬其地不歸

天長  
縣志

繆秉文士毅子也方士毅之復出關秉文不知後數年始得父  
書言在艾渾侍母墓不歸矣遂請引出關尋父得見泣請回里  
士毅遷延久之竟卒於墓所秉文在其地經營五年於雍正五  
年始得扶柩歸而母已前卒乃合葬焉邑令旌其門曰兩代尋

親純孝之門

天長縣志

葉英天長庠生英生周歲喪父母張氏矢志撫之張病英割股以進得愈督學旌以母節子孝

江南通志  
天長縣志

陳養廉陳其弼陳其蘊女陳氏王自明張儀胡時達王禪許國祚皆天長人俱以割股救親聞

江南通志

鄒廷材盱眙人事母至孝母年九十四材亦七十六矣母疾材五日勺水不入口及卒抱母屍一慟而絕

盱眙縣志

陳爾貞天長人父母皆爲叔毒死爾貞六歲有弟兩歲心知其事而不敢言誓不娶妻爲弟畢姻乃置一刀銘日報仇乘叔醉刺殺之而自投獄讞得其情從輕免死爾貞曰吾爲父母而殺叔豈可苟生遂投水死

天長縣志

葉國士盱眙人其父爲豪家所窘致縊國士訟官不得伸自投

縣側井以死

盱眙縣志

喬一貫盱眙庠生博學多技能尤工山水母病刲股療之同邑

喬一昂陳帝言鄒錫侯李德煥路滄臨皆以割股療母聞又江

立德呂自成江源葉經鄧飛玉皆以割股療父聞

盱眙縣志

姚煦盱眙廩生父病嘗糞辨藥而愈

盱眙縣志

江之湘字楚壽泗州庠生三歲喪父母許氏育之年十一祖仁  
宇卒喪葬盡禮如成人比長娶馬氏夫妻常侍母側祁寒暑雨  
十餘年無閒馬先卒未幾母卒哀毀骨立及葬廬墓三年服闋  
不復娶卒年七十九乾隆元年

旌表建坊

泗州志

孫繼禹泗州諸生母病困臥牀褥繼禹晝夜奉侍衣不解帶者

七年妻喬氏亦以孝聞

泗州志

石悠芳五河人父病著悠芳朝夕以舌舐之得復明病爲嘗冀

旣卒廬墓三年

五河縣志

黃慶椿天長人母病剝股以進得愈後祖母病又剝股以進亦

得愈

天長縣志

王一槐天長歲貢母顧爲嫡母崇所遣而養於崇一槐幼不知

也崇將卒始告之喪葬畢乃貨產尋母因崇語以其母家近海

遂歷閩浙訪求不得還至秦州之東遇一嫗聞一槐爲天長音

聲相詰問果其母也泣請歸而母不許竟不克迎

天長縣志

姚文高天長人方四歲母以歲歉賣之操舟者文高長猶憶家

在北門遂歸尋母訪求不得而去後再歸沿路訪之遇其舅遂

得見母

天長縣志  
以上舊志

徐穎績字展聞天長舉人康熙中四川知縣奔母喪歸號慟七

日而隕天長縣志  
以下新修

戴蘭秀字蕙裳天長舉人潛心宋五子書父母相繼歿廬墓終

喪天長縣志

許寅字賓山泗州虹鄉人父卒擗踊泣血居母喪墓宿三年虹鄉志

志

徐廷桂泗州虹鄉人後母愛其所生子廷蘭逐廷桂外出廷桂

傭書以奉甘旨廷蘭旋殤後母又愛壻田財蕩盡晚苦貧廷桂

迎養焉虹鄉志

錢萬有天長人父獲罪當遣萬有引罪代配福建三十年遇赦

歸天長縣志

倪本壽魏連元俱天長人並割股煎湯愈母疾天長縣志

張嘉南五河歲貢少孤善事繼母敬邱嫂教養兄子成立與四

弟金南友愛甚篤

五河縣志

許肄三泗州虹鄉歲貢與父俱爲捻逆所縛索馬取贖肄三願爲質令父歸取馬經宿不至賊欲殺之肄三曰我貧無馬父既獲免見殺甘心賊義而釋之

虹鄉志

曹基盱眙文生成豐九年賊至基侍母不去罵賊被害蒙

恩旌卹

盱眙縣志

王煥天長人咸豐九年粵賊再犯天長城陷父載榮不屈被狀

煥率眾斃賊數名剝心冀父遂哭死墓側

天長縣志

王贊天長人咸豐九年父爲賊所害贊殺賊祭父自刎而死是

年邵成業衛母被戕母得免

天長縣志

袁見龍天長人見母施氏被戕與賊格鬪死

胡驛智奏案

刁振先天長人咸豐十年賊至欲殺其母請代被害母得免

天長



縣志

五

五

五